



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 42. Turcarum progressus.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

nec eam condonare sine satisfactione Christi: sed nec poterat Dei filius non induere naturam humanam, non satisfacere, non mori. Poterat Deus aliter agere, si voluisset; sed aliter velle non poterat. Cum homo peccaverit per fallaciam sibi structam & ignorantiam, necesse fuit, ut noxam eluendi causa Sapientia Divina humanitatem assumeret. Christus non poterat salvos facere diabolos: quia cum in Spiritum Sanctum peccaverint, debuisset Spiritus Sanctus hominem induere: quod fieri nequit. Deus nihil potest, nisi ea, quæ reapse fiunt: potestas in res, quæ non eveniunt, ei perperam tribuitur. Quando Christus agebat, se posse a Patre suo petere duodecim legiones Angelorum, intelligendum est potuisse id eum, si voluisset, sed non potuisse velle. Deus non desinit esse liber, ut est, ad producendum Verbum suum, quamvis necessario id producat: sed libertas contradictionis, seu potestas faciendi, vel omittendi est inane commentum Doctorum. Nempe fundamentum doctrinæ Wicleffianæ est absoluta cunctis in rebus necessitas.

§. XLII.

Turcarum progressus.

Sequente anno 1388 cum Papa Urbanus Mauros ex Africa crebras mari excur-

Sæcul. XV.
A.C. 1387.
Lib. I. c. 10.

Sæcul. XIV. cursiones in Siculos, aliosque Christianos
 A.C. 1388. facere comperisset, Massiolo Messanenfi
 Archiepiscopo scripsit, ut in templis Sici-
 liae sacrum in illos bellum cum plena no-
 xarum venia pro Palæstina militantibus
 dari solita promulgandum curaret. Da-
 bat Perusiae 18 Apr. 1388. Eodem die
 ad Angelum Corrarium Castelli seu Vene-
 tiarum Episcopum similes scribebat litte-
 ras; in quibus ait se statuisse triremes
 duas armare in Turcas, qui Christianis
 Romaniae, vicinarumque regionum in-
 colis loca eriperent: utque ad sacram
 contra illos militiam accendat animos,
 promittit indulgentiam pro terra sancta
 pugnantibus concessam. Turcas appel-
 lat Phryges, quod in Anatolia habita-
 rent; & confundit eos cum veteribus
 Trojanis seu Teucris: tanta tunc erat hi-
 storiae ignorantia.

Bursiae in Bithynia residens Turcarum
 Sultanus erat Amuratus cognomine Al-
 gazius, seu Victor gentium. Urchano
 patri suo successerat anno Epochæ Ara-
 bicæ 761, Christi 1359: habebat tunc
 annos triginta quatuor; regnavit unum
 & triginta: multa Græcis ademit loca, in-
 ter alia Adrianopolim anno 1360: fuit-
 que tertius e Sultanis Ottomannis. Hoc
 anno 1388 periit occisus a transfuga Chri-
 stiano e Servia, qui velle se osculari ma-
 num ejus simulabat.

Sup. l. 94.

§. 28.

Foloc. suppl.

p. 44.

Bibl. Or.

p. 624.